

استدینا

نومرو ۲۴

بخشیه

۲۶ شباط ۱۳۲۴

اشارات مخصوصه و اوراق مطبوعه ناسه توزیع ایدلش کبی تلقی اولنسه رق اول صورتله جزالتدیریه جقدرد [ماده ۶].

قلوبلر ارالرنده ارتباط و مناسبت تأسیس ایدیه منزلر نام مشترکلی آلتنده عرضحال تقدیم و مقررات متخذهلر فی اعلان صورتیه تعلیق ایدیه میه جکلر [ماده ۷]. قلوب مذاکراتنده ظاهراً و یا خفياً سلاحی حامل اوله رق اثبات وجود ایدن اوج آیدن آلتی آیه قدر حبس و اوج سنه مدتله حقوق مدنیه دن محرومیت جزاسیله مجازات اولنور اوراق مطبوعه توزیع و یا نطق ایراد ایدلک صورتیه له قلوبه افراد مسلحه دعوت ایدن کسه لرله اولنری قبول ایدن اعضای اداره عین جزایه مستحق اولورلر [ماده ۸].

الیوم فرانسه ده قلوبلر حقتنده بالاده تفصیل ایدیلان احکام اساسیه قانونیه تطبیق ایدلکله برابر قانون جزائک ۲۹۱ نجی ماده سی حکمی دخی جاریدر حکم مذکور دخی ۳۰ حزب ران سنه ۸۸۱ تاریخی نظامنامه ایله تعدیل ایدلشدر . واقعا نظامنامه مذکورک ۷ نجی ماده سی: «قلوبلر ممنوعدر» مآلنده ایسه ده نظامنامه نک حین تذکرنده طوطیلان ضبطنامه مندرجاستدن منضم اولورکه rapporteur قلوب تعبیرندن انحق «یکرمی کشی بی تجاوز ایدوب بینلرنده مناسبت دائمه و معینه بولنان جمعیت» قصد ایدلش اولدیغنی افاده ایدور.

ثاق اسقنازی

تکامل نسوان

بو حقایق و دقائقی اوروپا حکمائی ده انحق اون سکرنجی عصرک اواخری ایله اون طبقوزنجی عصرک اوائلنده اکلایه رق قادیلرک جمعیت بشریه ده بر موقع عالی اشغال ایتملری لزومی حقتنده خامه ران اولمغه باشلامشدر . حکمای مذکورده دن بو وادیده اک زیاده تأثیر و خدمتلی کوریلان «ده قارت» «روسو» «فهلون» و راهب «فلوری» در . موسیو «نمه مارتن» بوانسانیت مجلریزک تربیه نسوانه ، ده طوغریلی تربیه عالمیه نه صورتله خدمت ایدلکلینی ، بومقصود حقتنده

نه کبی فکر لر بسلدکلرینی، ونشر ایندکلری آثارک اوزمانلر نه درجه لرده اجرای
تأثیر ایلدیکنی «قادیسلر معرفتیه تمدن بشر» نام اثرکرینده او درجه بلیغانه
وحکیمانه برصورتده تشریح ایدیورکه بوبابده کی مباحثی عیناً ویاخلاصه اقتباس ایتیمینی
وجیهه دن عسد ایدیورم . «نهمه مارتین» «ژان ژاق روصو» به تخصیص ایلدیکی
برمجته شویولده بیان مطالعه ایدیور :

اون بشجی لونی عصری مشؤم برعصر ایدی . قرالده اقتدار، اصلیزادکانده
حیثیت ، رهبانده فضیلت یوقدی . پرنسلر ، دوقلر ، مارکیلر الحاصل صرمه لی
ملبوساته بورون . بتون «فهئودالیه» عرقی مفسدتی برصنعت ، ذوق وسفاقت
برمرزیت عداوتلردی ؛ «دیده رو» نك «آنسیقلوپه دی» سنی ، سانسور مأمورلری کبی،
اکلامه دن او قورلر، وولترک هزلیاته باقرق حسیات عالیله پرورده ایتکه یلتورلردی .
بوزیب وزینتلی سورینك اشاغیسنده بر ملت واردی . ملت اشاغیده ،
سوقاقده اونوتلمش ایدی . فقط ملت باقیور، زرهلری ایله فهئودالیه علاماتی
چیقارمش اولان بواصللرک او قدر صاف و مخوف بر عرقه منسوب اولمادیغنی
کور یوردی . مدید براسارتك بارکرانی التنده ازیان ملت، مدنیت ایچنده وحشی،
فتون ایچنده جاهل، ثروت ایچنده سفیل قالمشیدی . ملت نه حقوقی ونه ده وظائفی
او کره تلمامشیدی . شکاری قارشوسنده بولنان بر آرسلان قوت ووحشتنده نه قدر
سربست ایسه ملت ده امراسی مواجهه سنده اوله جه سربست ایدی .

حکومت بو مخاطرات قریب الظهوره قارشو هیچ بر تدبیر دوشونمئور، آتی
تأمل ایتمکسزین ماضی یی ادامه ایدیوردی . اصلیزادکانه «باسکیل»ی ، فیلسوفله
«صوروبون»ی قارشو چیقارهرق عصرک ترقیاتی آره سنده باربار قالان قوانینی
تعديل ایده جک قوتی بوله میوردی .

یالکر برکشی ، اوت یالکر برکشی مملکتک آیسینی دوشونیوردی . بو آدم
فرانسز بیله دکلدی . جنوره لی فقیر بر ساعتجینک اوغلی ایدی . اسمی ده
«روصو» ایدی . پلوتارک تلامیذنن وجهوریت طرفدارلرندن اولان «روصو» یی
سفالت ، اهالی به قریب ایتمش ، وقاروغروری ایسه کندیسینی اکا بردن اوزاقلاشدرمش

ایدی. نظر دقتنه چاربان انحلال و انحطاط اوزرینه ذهننده يك احاطه لی بر فکر پیدا اولدی. مقصدی وطنه و وطنداش يتشدرمك اولدینی حالدہ چو جقلره والدہ وجوده کتیر ممکن بشقه برشی دوشونمور کبی کورونیوردی. والدہ سودی غدای حریت اوله جقدی. «روصو» فرانسه نك احیائی منزویانه بر تربیه پرده سی التندہ کیزلهرک شا کردینی تربیه عمومیه نك بتون موضوعات کاذبه سندن تجرید ایدیور، و بالکتر برچوجق ایله برمرینک مرئی بولندینی بوواسع پلان ایله بیوک برملت تشکیل ایدہ بیله جک هرشیئی احاطه ایدیور. حریت شخصیه افکارینک نهایت الامر حریت ملیه افکارینه منقلب اوله جقنی روصو رعنا بیلور، برکشی بی تربیه ایدرک، برملت وجوده کتیرمك ایسته یوردی.

بو انقلاب عظیمک محرکی نه اوله جق؟ بونجه مذلت آره سنده حب حقیقی تلقینه کیم جسارت ایدہ جک؟ . . . قادین قلبنده قادینلری قهرمانلغه، فدای نفسه سوق ایدیچی برحس واردر. اشته روصو بوحسده راستادگاه آرایور، قدرت و نفوذینی اوراده بولیور. روصو شدیدالمزاج اخلاقیون کبی برطاقم وظائف الیه و مزجه تکلیف ایتیمور؛ برعائله شنلکی ترتیب ایدیور، بریشک یاننده، باغرینه کوزل برچوجق آلمش اولدینی حالدہ زوجنک انظار محبتی التندہ برشطارت طوران بروالدینی جهانک پرستلرینه عرض ایدیور. اشته برلوحه غرا که قادینلرک بزی فضیلتلریله بختیار ایدیچی برقدرتی اوکره تیور! بویله بروطفه مقدسه بی ایفا ایدہ بیله جک هیچ برکله بشر یوقدر. روصونک رأی اوزرینه هر قادین والدہ، هر والدہ زوجه اولیور، هرچوجق وطن اولادی اولمق ایسته یور. . . روصونک آغوش مادره ارجاع ایتدیکی نسل ایله جهان نائل حریت اوله جق ایدی! عائله یکیدن بویله تشکیل ایدلدی. ملت ده او سایه ده وجوده کلدی. روصو قادینلردن نه دیلدیسه استحصال ایتدی. قادینلر زوجه، والدہ اولدیلر. روصو برخطوه دها آهرق قادینلره تربیه بدنیه دن ماعدا تربیه معنویه بی ده تودیع ایتمش اولسه ایدی شفقت مادرانه نوع نی بشرک الک ذی قدرت محرکی اوله جق ایدی. مع التأسف روصو دها ایلرو کتمدی. قادینلردن بحث ایدر ایکن «بوقوت ایله - استشاره -

نه بیوک شیلر یاپیلوردی!« دین ذات اونلره بیوک برشی تکلیفنه جسارت ایدمه مامش ایلک ایام صباوتک مادی اعتنارندن صکره شفقت مادره عابد وظیفه نك اكمال ایدلمش اولدیغنه اذهب اولمشدر . بنابرین رو صودن صکره یاپیله جق برشی قالمشدر . رو صونک تدریسات اخلاقیه و یردبکی شوق و غیرت واسطه اجراییه دن محروم اولدینی ایچون قوتندن ده محروم اولمشدر . بوقوتی ایسه احکام فلسفیه ده دکل آغوش عالمده آراملیدر . انسانلر انجق اصحاب ثروتی تربیه ایدرلر : مربی صانون آئور . حالبوکه طبیعت ده اعلیٰ جنابدر . هر چوجغه بر مربی بخش ایتمشدر . براقیکز ! چوجق آناسنک قنادی التنده قالسون !

طبیعتک بر چوجنی طوغدینی دقیقه دن اعتباراً دائماً وفاکار بر محبت ، انجق شعله حیات ایله برابر سونن فدا کارانه بر شفقته تودیع ایتسی سببسز دکلدر ! شمدی ده راهب فلوری ایله « فنه لون » حصر ایدیلن فصله کله لم :

« بر قادین اهای بی تحریک پرنسلی تسلیح ، « مازارن » ی یازسدن تبعید ایدبور ؛ دیگر بر قادین ده « باستیل » ده کی طوبی قراله قارشو آتش ایتدیربور . ایشته اون دردنجی لونی عصری بو یوله باشلار . بر قاچ سنه صکره کنج پرنس معیت شعله داری ایله اورته یه چیقیور . بو معیتی تشکیل ایدن ذوانک کافه سی صحایف تاریخه کچمشدر . او یله ایکن سرای شنلکلی ، حرب ولوله لری آرمسند قادی نلرک حاکمی پایدار اولمشدر . اک بیوک شاعرلر ، اک بیوک قوماندانلر ، اک بیوک ناظرلر او بیوک قرالک ارکان معیتی میاننده بولونیور ، قرال بتون اورویای مظفر پسرلی ایله معاشقه لری ایله اشغال ایدبور بتون اورویا قرالک دورینی تاریخ فکر بشرک درت شانلی دورمه لرندن بری اوله رق اعلان ایلور .. اشته بو ائنده ایدی که بردنبره نیاز مندانه بر صدا ایشیدلیدی . بو صدا عواقب مملکته حاکم اولدقلری حالده امر تربیه لری نیسانده قالان نسوان لهنده جلب دقت و مرحمت ایدبور . قیزلرک دیکیشندن ، تفنیدن ، رقصندن ، تلبسندن ، نازکانه مکالمه دن ، ظرفانه سلام ویرمکدن غیری شیلر اوکرغسی لازم کلدیکنی درمیان ایلوردی . سهوینهلر ، قولانزلر ، لافانلر عصرینی هرج و مرج ایدن بو تربیه

جدیده عجیباً نه ایش؟ یازمق، او قومق، حساب بیلیمک، رأی و یرمک درجه لرده واقف اولمق، خسته لره باقه جق قدر طبابت اوکرنمک! ایشته راهب فلوری بونلری ایسته بور، و قادینلرک روحی صانکه ارککلرک ککندن بشقه بردلوا ایش، صانکه اونلرکده محتاج اداره بر فکر و اراده سی، ضبط و تعدیل ایلیه جک احتراصاتی یوق ایش، یا خودکه هیچ برشی اوکرنمکسزین بو وظائفی ایفا ایتملری دها قولای ایش کبی قادینلر تدرس و تبقعه اقدار ایدیلور» دیوردی.

راهب فلورینک بونداسنه از وقت یکمهدن «فه نلون» ده التحاق ایتدی. «فه نلون» مأموریتنک ایلک اون سنه سی قنولیکلکی قبول ایش اناک تربیه سنه حصر ایش، بو کنج چوجقلرک قلبلرنده بشقه بر دوره اسنانک سرائینی کشف ایلمشدی. اونلرک معصومیتی سایه سنده اداره احتراصات قننی، آنلرک صافدرونلنی سایه سنده بو احتراصاتک منع تولدی علمنی اوکرنمشیدی. بو تبعات ثمره سی اوله رق «فه نلون» قادینلرک فطرتنه آگاه اولدقدن صکره قادینلرک ضعیف اولدقلری ایچون تقویه سی، صاحب اقتدار و نفوذ اولدقلری ایچون تنویری احتیاجنی حس ایتمشیدی.

«تربیه اناک» نام اثر کزین و دلفریب بو وجه ایله، یعنی طبیعت و حقیقت مواجهه سنده تألیف اولمشدر. بو اثر مؤلفنک روحی ایله منقوش اولدینی ایچون ناقابل تقلید بر نمونه در، ابنای بشره اهدا ایدیلن «اصول تربیه» درس لرینک اک کوزلی ده یته اودر.

«فه نلون» دها ایلک مبحثده اساسلری وضع ایدیور، راهب «فلوری» نک توصیه ایلدیکی درس لره جف القلم یونان و روما تاریخنی، فرانسه تاریخنی و ممالک بعیده آره سنده کی مناسبانی علاوه ایدیور، وحشیات عالییه یی او یاندر دقلری جهته بلاغت، ادبیات، و اشعار کتابلرینک قرأنت ده اذن و یریور. واقعا بو درجه یکی فکر عقیبنده اولدقجه مهم تحدیدات ده کلیور. مؤلف اساسلری وضع ایتدکن صکره بولسدینی عصری دوشونه رک توفیق ایدیور، و وظائف نسوانی قانون طبیعتنه نظراً محاکمه ایدر ایکن قادینلرک جمعیت آره سنده حائر اولدقلری موقعی

در خاطر ایتکه باشلابور، و بو نقطه نظری یابه جنی اییلکی تحدید ایلیور .
 مؤلفی : « قادیلری بی لزوم تعمیقانه سوق ایده جک تبعاته اماله دن توق
 ایلملیدر، چونکه اونلر نه حکومتی اداره ایده جک، نه ده حرب ایده جکلردر »
 مطالعه سنده بولندریور. حالبوکه بو مطالعه کندیلکندن مجروحدر . فی الحقیقه
 قادیلر نه اداره حکومت ونه ده محاربه ایتمزلرسده اداره امور ایدنلری، محاربه بی
 استدکاری کبی سوق و اداره ایدرلر سه جهالتلرندن ویا فضل و عرفانلرندن
 نه کبی نتایج محدث ایدر ؟ ایسته محتاج تدقیق اولان مسئله بودر . فنهلونک
 بو بابده کی رأی دعوا مزه تمامیه مساعد وموافقدر .

محمد صالح

(مابعدی وار)

ازهار مطالعه

یکرمنجی عصر ابتدا سنده بریتانیا ایمپراطور لئی

امپه ریالیزمک بحرانی

یکی زه لاندنه بویوک بریتانیاده ادخال اولنان بالمله اشیدان آلتان رسمی یوزده اون
 تنزیل ایتمش، وقانادایه امتثالاً دیگر بعض مساعدات ده بخش ایله مشدر . نهایت
 قاب و ناتال مرکز حکومته یوزده یکرمی بش راده سنده بر استفاده عمومی تأمین
 ایچون ، بعض مواد مستثنا اولق اوزره ، اجنبی امتعه سنه مطروح ویرکی بی
 بوراده ده تزیدد ایله مشدر .

مع هذا بو تعهداتک کافه سی مستملکات پارلمنتولرینک تصدیقنه معلق
 بر اقلیمش ایدی . حال بوکه مرکز حکومتک بو مساعداته مقابل بر امتیاز بخش
 ایتدیکی نظر دفته آلتجه بو تعهداتک پارلمنتولرجه تصدیق اولمش بیتمش برشی
 عد اولته مازدی ، شهه یوقدرکه ظرفیندن یالکیز مستملکاتک تعهداتی شامل
 اولان شو مساعداته مستملکات مدت مدیده تحمل ایتییه جکلردی . قانادا
 مرخصلری بونی یکی بر خطرله ایله و کندیلرینه مخصوص اولان وضوح وسلاستله
 افاده ایله مشلردی : « قانادا مرخصلری رجحانی تجارت اساسی تصدیق یولنده